

禮

循  
吏  
傳  
卷  
四



八旗通志初集卷之二百三十五

循吏傳四

漢軍鑲紅旗外任官

王清彥

盧一豫

徐鳳鳴

韓昌先 蘓弘謨

黃道弘

張仲德

金鳴鳳

張至隆

姚啟盛

黃執中

李遇時

胡雲龍 王瑚



趙世安

王登魁  
劉天爵

劉廷璣

張萬言

馬國正

祝鍾哲

吳一珩

熊維傑  
武國楹

張肇經  
趙士珩

漢軍正藍旗外任官

張朝瑞

張登選

梁繼祖

劉際昌

劉靖寰  
劉際亨

甘國基

漢軍鑲藍旗外任官

魏明德

何一偉

劉顯謨

齊宗德

阿一琳

王清彥字亮宸漢軍鑲紅旗人順治初授湖廣  
耒陽縣知縣丁父憂起復九年補任直隸大名  
府魏縣年少有肆應才猾吏蠹胥莫能施其奸  
事至立判案無留牘時軍興役繁清彥稽牌甲  
均頭役雖有力之家不得規免窮民無偏累之  
苦百姓感其德後內陞行人司行人縣民立石  
畫像以志去思復公請於督撫學政崇祀名宦  
祠。

盧豫漢軍鑲紅旗人康熙癸卯科舉人十六年。

任山東濰縣知縣。朔望同僚屬宣講。

聖諭十六條。風雨不輟。小民敦倫睦族。教化大行。夜不

扃戶。每春下鄉勸農。捐助牛種。民無游惰。田無

荒蕪。遇蝗蝻撲滅有方。禾稼賴以無害。捐俸修

理鬻宮。又於北門外買田十畝。爲義塚。倡修大

橋於東門外。白浪河設立義學。俾訓童蒙。旌孝

子節婦。以樹風聲。有節坊。烈廟碑。記傳世。後陞

湖廣荊州府同知。崇祀山東名宦。

徐鳳鳴。字祥宇。漢軍鑲紅旗人。順治八年任進

賢縣知縣。其明年冬。土寇入縣。鳳鳴與鬪。面受

一矢。仍奮勇追賊。手戮數十人。賊懼引去。邑賴

以安。事載江西通志。十二年。調河南郊縣知縣。

縣當流寇殘敗之後。四野荒蕪。鳳鳴撫輯招徠。

安插八里營等處。給地耕種。名其保曰鴻宅保。

塚頭鎮。河水時發。民多病涉。鳳鳴捐修石橋。以

便行旅。其裨躬極廉潔。聽訟極公明。設立義學。

振興文教。邑人歌頌不衰。十五年。陞廣東儋州

知州。郊縣人思其德。崇祀名宦祠。

韓昌先。漢軍鑲紅旗人。由貢生任浙江蕭山縣知縣。蒞事明敏。政簡刑寬。立里甲。均當法。使徭役均而詭寄弊絕。至今遵焉。卒於官。民爲立社。西郭以祀之。事載縣誌。康熙六年九月崇祀名宦祠。又同旗有蘇弘謨者。任貴州糧驛道。時滇師凱旋。供億之繁。日無寧晷。弘謨游刃。豁如毫無凝滯。先是往來差遣。多以人代馬。謂之夾馬。夫民苦之。又養馬草料。盡派民間。弘謨悉爲革除。民力以甦。歿後。崇祀貴州名宦祠。

黃道弘。漢軍鑲紅旗人。康熙七年。由廕生知福建詔安縣。縣治負山濱海。地瘠民貧。俗多頑梗。道弘至。即減耗羨。修建申明旌善二亭。并設義學。以勸諭之。詔安與粵之潮州接壤。奸宄出沒。道弘設法撫輯。皆歸本業。會歲旱。虔誠祈禱。甘霖立沛。十一年。遷臨江府同知。閩人祀之名宦祠。

張仲德。漢軍鑲紅旗人。康熙十五年。任廣東布政使。時粵東初平。民多失路。仲德廣爲招徠。休

養生息免雜徭杜包侵絕差擾禁挪墊革火耗胥吏不敢作奸田有瘠薄給牛種勸民力耕當大兵雲集徃征粵西南韶等府每苦兵餉不繼仲德措置得宜勸輸有法上不損賦下不擾民兵馬飽騰因得恢復諸郡兵燹之後士子失業仲德勤加訓誨振興文教貧士或衣食不周必多方周濟浮糧坍荒繪圖詳告編審丁糧隨時消長計糧多寡定差之輕重絕丁口混淆糧差偏累詭計之弊凡不便於民者悉去之粵中有

輕生惡習每因睚眦服毒自縊民以病歿者亦架詞誣陷株連牽累其家立破仲德徧諭嚴禁有假命圖賴者重治親人并罪鄰人之不爲勸解者仍責令本家自行殯葬不許他棍借端詐騙自是粵民無輕生者時征勦叛鎮祖澤清兵馬雜踏積屍甚多仲德捐俸買棺埋葬得免暴露歿後士民僉舉入名宦祠金鳴鳳字竹亭漢軍鑲紅旗人康熙十六年以恩監生爲光澤縣知縣時耿逆初平村落殘燬

鳴鳳極意招徠。常單騎巡行郊邑。有強卒凌虐百姓。鳴鳳痛懲之。寇至則統領鄉勇。盡力捕殺。嘗捐貲施賑。贖難婦。給牛種。恤農民。以生以聚。邑民賴之。崇祀名宦。

張至隆。漢軍鑲紅旗人。康熙三十二年。任肇慶府知府。廉潔率下。僚屬敬畏。肅學校。勸農桑。飭保甲。省刑獄。士民頌之。郡當牂牁下流。歲三四月。西流暴漲。廬舍漂溺。至隆親駕小舟。躬先負土。日夜督率。堤以永固。從肇慶新橋而上。人烟

寥落。山路多岐。舟人以胡蔓毒藥爲香。燃之。客迷。遂竊其資。名曰悶香船。至隆捕得。悉投大江。中其患始息。民立祠祀焉。

姚啟盛。字際斯。漢軍鑲紅旗人。以刑科給事中。分巡贛南。持大體。不事煩苛。而市井豪猾及吏胥貪墨者。必繩以法。先是贛城數被火災。啟盛教民造綆。作畚。搗之具。以備救護。城東小山曰火焰山。相傳以爲火祥。因於路達浚大井。建閣於其上。命名天一。以壓之。啟盛爲增修完固。火

患衰息。贛江十八灘。水險易溺。爲置船拯救。民無水患。革雩都大庾之派。積困以甦。尋陞江西督糧道。又擢布政使。每遇贛州事。輒留意曰。吾未嘗一日忘贛也。卒於官。贛民匍匐往哭焉。康熙十七年崇祀名宦。

黃執中。漢軍鑲紅旗人。康熙十七年。授福建古田縣知縣。時耿逆初定。餘黨逃匿山中。每出擄掠。居民相率遷徙。以避執中。相率鄉勇。攀藤附葛。搗其巢。殲巨魁八人。餘黨潰散。乃招撫流離。

各歸安業。尋以丁憂去官。服闋。補浙江天台縣廉。以持己惠以養民。一如在古田時。陞河南南陽府同知。卒。天台民懷遺愛。崇祀本縣名宦祠。古田縣亦崇祀名宦祠。

李遇時。字雨若。漢軍鑲紅旗人。康熙十八年。任岳州府知府。時吳逆之亂。大兵初定。岳州招撫流亡。勸農息訟。滇黔未靖。親詣行間。轉餉數百里。所屬平江縣亂。後多積逋。遇時曉以大義。民咸樂輸。郡學傾圮。捐貲倡率修葺。課士勸學。振

起文教。重修岳陽樓。廢墜咸舉。士民公請崇祀名宦。

胡雲龍。漢軍鑲紅旗人。康熙二十一年。由廕生知四川隣水縣事。招撫流移。勸諭墾闢。經畫井然。民懷其德。崇祀名宦祠。同旗有王瑚者。以康熙二十二年。任四川溫江縣知縣。性剛果能斷。禁科派。吏胥畏之。無敢犯法者。卒。民人思之。亦崇祀名宦。

趙世安。字惟康。漢軍鑲紅旗人。康熙二十七年。

任浙江仁和縣知縣。尋擢福建興化府同知。強毅多幹畧。嚴禁賭博。凡樗蒲之戲。有偵得者。雖紈袴子弟。必重懲之。又請以罰鍰。重修木蘭陂。民懷其利。後攝詔安縣事。卒於官。閩人祀之名宦祠。

王登魁。漢軍鑲紅旗人。康熙二十八年。由貢生任河南汝州知州。設立義學。培養人才。延請名儒。捐俸供給。文風丕變。每逢朔望。實力宣講。聖諭。重修州志。三十年。秦晉大荒。饑民流入中州。登魁

設法賑濟。全活甚衆。蝗起。露處郊野。撲捕不遺。餘力。遂不爲災。先是魯山賊王二等。依山嘯聚。剽掠隣境。登魁親率民兵討平之。三十一年。運楚省糧賑饑。關中所經過州縣。無不騷動。登魁措置有方。民不擾累。聽斷果決。胥吏毫不敢欺。舊例。編審冊籍。里書那甲換乙。登魁每編一里。即明張告示。使人人皆知。那移之弊悉除。三十三年。薦舉卓異。三十四年六月。陞江西瑞州府同知。紳民列狀保留奉

旨留任。

三十五年十二月。陞工部員外。民至今思其德。

馬崇祀河南名宦。同旗有劉天爵者。康熙二十八年。任四川屏山縣知縣。首重文教。士習一新。崇祀名宦。

劉廷璣。漢軍鑲紅旗人。任處州府知府。處郡累

石爲田。十日不雨則旱。十日不晴則潦。廷璣蒞任。閱府城東有好溪堰。西有通濟堰。舊毀於水。捐俸築之。蓄洩有資。民賴其利。康熙二十九年。旱荒。廷璣上狀督撫。併繪饑民圖以獻。得請買

米平糶。饑而不害。尤留心訟獄。所屬麗水縣民。李某家被盜。縣捕盜首曹大鞫之。扳連二十餘人。獄具報府。廷璣察盜首甚黠。疑其誣。因閱所獲器械內。有刀刻楊祿字。密訪之。果有是人。近不知所往。遂於夜半取曹大訊之。曰。本日獲盜。楊祿。供同黨惟爾。餘俱不知也。曹大始吐扳連是實。因踪跡楊祿捕獲之。餘皆得白。民稱爲神君。時當耿逆亂後。學校荒廢。廷璣捐貲改建。廣其規制。又建蓮城書院爲義學。又建南明書院爲講學之地。親率諸生講誦。膏火廩餼畢備。圭山舊有文昌閣。久圯。因重建之。翼以橫舍二十八楹。擬列宿環拱文昌之象。爲闔郡士子精舍。撥社田九十畝。資其費。既去任。士民即其書院祀之。累陞至江西按察使。緣事降淮揚道。生平博學。留心風雅。所著有葛莊詩集。在園雜記。行於世。崇祀浙江名宦。

張萬言。漢軍鑲紅旗人。由恩監生累陞至瓊州府知府。在任七年。潔己愛民。多行善政。康熙三

十年議設瓊商配引加餉。瓊民呈稱瓊郡環海。自古竈戶皆自煎自賣。設商則小民貴販難賣。黎人食淡恐生不測。萬言據呈。力爲詳請。題免。是年大旱。發穀賑饑。士民感德。四十五年。士民公請崇祀名宦。

馬國楨。漢軍鑲紅旗人。由監生。康熙二十九年。任河南安陽縣知縣。清介自持。勇於除弊。每逢朔望宣講。

上諭。務令家諭戶曉。民知向義。留心民瘼。遇水旱灾荒。或虔誠步禱。甘霖立應。或捐俸煮粥。按戶散賑。而且加意學宮。重修庠舍。廣搜經史。置之齋房。俾單寒之士。課誦有資。邑素有水患。國楨開濬河道。境內遇旱則有蓄水之處。遇潦則有洩水之區。民咸賴之。又邑中有孀婦張氏者。夜被賊殺。凶手未獲。拘比鄰之馮三。李三二人訊之。馮三以李三是夜離家。因而誣証其事。久未白國。正忽假寐間。若有神明指示之者。曰。馮四訊之。始知事由馮三。因拆視其衣。見血跡猶存。腥聞

尚在馮三俯首伏罪。邑人嘆服。在任十二載。四十年。陞廣西潯州府同知。四十三年。又陞湖廣荆南道。尋轉江南鎮江道。五十三年。丁憂回籍。五十九年。奉

旨。派委運米進藏。以疾卒於軍前。河南人思其德。公請

崇祀名宦祠。

祝鍾哲。漢軍鑲紅旗人。康熙三十一年。由廕生任江西撫州府知府。入境。日以生民爲念。刑罰悉用輕典。城牆頽圯者。即行修葺。嚴禁催科。加耗。漕項羨餘。減香稅。革積弊。三十二年。夏大旱。齋戒步禱。焦勞致疾。歿於任。合郡士民感念。三十三年。公請崇祀名宦。

吳玥。漢軍鑲紅旗人。康熙甲戌進士。四十年。任河南湯陰縣知縣。內慈祥。外嚴毅。愛民如子。而疾惡如仇。興利剔弊。政簡刑清。設義塾。置學田。延名師。訓課生童。時親加考校。多士振興。四十二年。

聖祖仁皇帝西巡。面試經書。稱

旨特調江南蘇州府長洲縣知縣士民至今猶歌思不置云。後崇祀名宦祠。

熊惟傑。漢軍鑲紅旗人。任浙江按察使。性峭直。然善拊循百姓。杭州兵民雜處。強弱不相能。常多訐訟。或訴於途。有司驅車過不問。望見按察使前節。輒歡然曰。熊父來事當白矣。惟傑爲立剖之。兵民咸輒服焉。卒。祀名宦祠。同旗有武國楹者。任至浙江按察使。清慎慈和。貧至不能具饗殮。

聖祖仁皇帝南巡。善其治。賜予優渥。後陞福建布政使。

尋卒。崇祀浙江名宦。

張肇經。漢軍鑲紅旗人。任杭州府通判。才猷練達。剖決明敏。案無留牘。民無冤獄。一時有神明之頌。靖共厥職。以勞卒於官。杭州民人思之。康熙四十一年。崇祀名宦祠。同旗有趙士珩。字楚卿者。任湖廣巴陵縣知縣。均徭役。請蠲荒糧。政簡刑清。設登瀛會。以造士。文風丕振。士民德之。亦崇祀名宦。

張朝瑞。漢軍正藍旗人。世居遼東廣寧。順治五年。知河南登封縣。少年老成。洞悉民隱。邑經兵燹。土地荒蕪。多方招徠。給牛種。勸開墾。凋殘頓蘇。衙署傾圯。捐俸重修。又修理學宮。雅意作人。纂修邑志。立義學。課士。嚴保甲。靖盜賊。士民德之。秩滿。陞河南道御史。巡按湖北。父老。追送百餘里。後崇祀登封縣名宦祠。

張登選。漢軍正藍旗人。順治十二年進士。任至浙江按察使。執法公平。獄無枉滯。浙江經逆藩耿精忠之亂。寇盜充斥。男女流離。登選爲設法贖之。完聚甚衆。民感其恩。康熙三十年十二月。崇祀名宦祠。

梁繼祖。漢軍正藍旗人。世居義州。康熙元年。由舉人知五臺縣。凜遵

聖諭。每逢朔望。躬詣城隍廟。親爲講解。諄諄然以敦教化。厚風俗爲務。奸宄革面。豪強屏肅。勸止鬪爭。嚴禁賭博。堪巖匿盜之藪。悉皆解散。初蒞任。見學宮荒廢。捐俸補葺。宮牆煥然一新。署前有隙

地一塊。建文昌祠。延師教授生童。四鄉亦廣立義學。貧乏不能讀書者。皆教育其中。由是科名蔚起。又蓋造養濟院一所。窮獨鰥寡。存活甚衆。陞江南六安州知州。又陞平陽府知府。尋卒。三十五年。五臺縣士民思其德。崇祀名宦祠。

劉際昌。漢軍正藍旗人。康熙初年。由舉人任河南考城縣知縣。剛方寡言笑。處事明斷。迎刃而解。時鄉有盜警。親率健卒。夜往擒之。盡獲。由此羣盜屏息。復捐俸修學宮。殿廡振興。文教。尋陞

雲南曲靖軍民府馬龍州知州。後崇祀考城縣名宦祠。

劉靖寰。漢軍正藍旗人。康熙九年。由廕生任四川犍爲縣知縣。時地方初靖。前軍興時。相沿派辦差務甚繁。胥吏假公濟私。侵漁百姓。常例之外。多所苛求。靖寰訪知其弊。悉革之。出納有經。事治而民不病。州人德之。崇祀名宦祠。同旗有劉際亨。字賓虞者。康熙二十五年。由廕生任四川夾江縣知縣。亦當逆藩吳三桂變亂之後。都

邑荒蕪際亨修理城垣開築新堰有功德方尋  
陞工部主事士民思之崇祀本縣名宦祠  
甘國基漢軍正藍旗人康熙二十七年任山西  
太原府知府正躬率屬除舊政之病民者修學  
校課生童士風鼓舞每月朔望勤講

聖諭實心化民折獄明允片言立決嚴訪胥蠹豪惡斂

迹又捐俸覓乳母育養嬰兒設立義塚收埋枯  
骨潔己奉公民皆感頌累陞至河南布政使禁  
私派革火耗懲貪酷舉廉能民間利弊加意興  
除又延名師以主書院捐義田以資膏火凡有  
關名節之事曲意成全被恩者至今頌之山西  
河南並崇祀名宦

魏明德漢軍鑲藍旗人康熙十五年以護軍從  
征福建逆藩耿精忠事平委知龍溪縣旋調赴  
軍前十八年再任龍溪性寬簡遇事敢爲時軍  
需夫役旁午交至明德按籍均應無所瞻徇軍  
士佔民房者請諸大帥立還之邑人感其德祀  
之名宦祠

何偉漢軍鑲藍旗人。康熙二十二年由廕生任浙江遂安縣知縣。遇紳士有禮。然正直自矢。不可干以私。剖決庶務。民無枉抑。田地山場有虛糧者。勘實具結。請均攤本里。不使偏累。課額亦不虧。捐俸重修學宮。振興文教。衡文察行。懲勸並行。士皆淬勵。三十九年陞江南和州知州。以治遂安者治之。居五年卒於任。先是鑲紅旗漢軍石參爲和州十年。清廉慈惠。多善政。比卒。和民立祠以祀之。至是奉偉合祀。號曰二賢牧祠。

劉顯謨漢軍鑲藍旗人。由官學生考取內閣中書。陞內閣侍讀。從鎮南將軍莽依圖南征。八年陞刑部員外郎。旋陞工部郎中。康熙二十七年。外轉分巡荆南道。按察司僉事。在任敦崇節儉。立義學。省刑罰。禁私徭。雜派兵民相安。尋兼監視三府河工。修築堅固。親身督率隄防。百姓安堵。陞山西河東道。卒於官。荊州人思其德。崇祀名宦祠。

齊宗德漢軍鑲藍旗人。康熙三十五年任陽山

縣知縣。到任後。首隆學校。多士奮興。陋規雜派。次第革除。民無擾累。四十一年。邑被大水。城垣濠塹。及人民廬舍。多倒塌湮沒。宗德爲捐俸修築。俱得完固。在任九年。興利除害。勸課農桑。省刑薄斂。澹薄自甘。民霑實惠。四十四年。丁母憂。歸。通邑如失怙恃。勒像於石。以誌去思焉。

阿琳。字玉山。漢軍鑲藍旗人。由廕生任部曹。康熙四十年。外補福建汀漳道副使。漳俗苦奸民豪橫。琳執其尤黠者。置之法。餘則榜其過惡於門。使知愧悔。於是豪強斂戢。修理學宮。導民嚮學。歲饑。出俸金爲粥賑之。民甚賴焉。尋陞貴州按察使。累官至太僕寺卿。卒。康熙六十一年。閩人思之。崇祀名宦祠。





